

# جریدہ عالیہ

مشیت جلیلہ اسلامیہ نک جریدہ رسیہ سید

صفر ۱۳۳۵

عدو: ۲۸

آیدہ بر نشر اولنور

اوپنچی سنہ

ماده : ۶۹ عسکری جزا قانوننامه سنک اشبو مواد قانونیه به مخالف اولان احکامی مفسوخدر .

ماده : ۷۰ دیوان تمیز عسکری تشکیلات و وظائفی حقنده کی ۱۰ جادی الاولی ۱۳۳۲ ۲۴ مارت ۱۳۳۰ تاریخلی قانون موقت ملغادر .

ماده : ۷۱ اشبو قانون تاریخ نشردن معتبردر .

ماده : ۷۲ اشبو قانونک اجرای احکانه حربیه و بحریه ناظرلری مأمورددر .  
مجلس عمومینک اجتماعنده قانونیتی تکلیف اولنق اوزره اشبو لایحه نک موقتاً موقع مرعیه وضعنی وقوانین دوله علاوه سنی اراده ایلدم .

۲۱ ذی الحجه ۱۳۳۴ ۶ تشرین اول ۱۳۳۲

محمد رشاد

صدر اعظم  
محمد سعید

حربیه ناظرلی و بحریه ناظرلی و کبلی  
انور

### ارادات سنیه

ابراهیم بک مدت غیوبتجه شورای دولت ریاستی وظائفنک تجارت و زراعت ناظرلی احمد نسیمی بک طرفندن وکاله ایفاسی تنسب اولتمشدر .  
بواراده سنیه نک اجراسنه صدارت مأمورددر .

۲ ربیع الاول ۱۳۳۵ ۱۴ کانون اول ۱۳۳۲

محمد رشاد

صدر اعظم  
محمد سعید

\* \*

شورای دولت رئیس و اوقاف هایونمز ناظر و کبلی ابراهیم بک مدت غیوبتجه اوقاف نظارتی امورینک نافع ناظرلی عباس پاشا طرفندن وکاله ایفاسی تنسب اولتمشدر .  
بو اراده سنیه نک اجراسنه صدارت مأمورددر .

۳ ربیع الاول ۱۳۳۵ ۱۵ کانون اول ۱۳۳۲

محمد رشاد

صدر اعظم  
محمد سعید

( ۱۹ جمادی الاخرہ ۱۲۹۶ تاریخلی محاکم نظامیہ تشکیلاتی قانوننک قرقالتھی )  
( ماده سنی معدل قانون موقت )

[ تقویم وقایع ایله نشری تاریخی : ۱۳ محرم ۱۳۳۵ و ۲۸ تشرین اول ۱۳۳۲ ]  
[ نومروسی : ۲۶۹۹ ]

ماده : ۱۹ ۱ جمادی الاخرہ ۱۲۹۶ تاریخلی محاکم نظامیہ تشکیلاتی قانوننک  
۴۶ نجی ماده سنی بر وجه آتی تعدیل ایدلمشدر :

« انتخاب انجمنی عدلیہ مستشاری ایله محکمہ تمیز و در سعادت استیناف محکمہ سنی  
رؤسا و اعضا لری میانندن نظارتجه تعیین اولنه جق بش ذاتدن و سبجل مأمورین مدیرندن  
مرکبدر .

مستشار و سبجل مأمورین مدیری انجمنک اعضای دائمه سندن اولوب رؤسا و اعضای  
محاکم بر مدت موقته ایچون تعیین اولنورلر . ناظرک تعیین ایده جکی ذات انجمنه ریاست  
ایدر .

انجمن مقرراتی اکثریتله اتخاذ ایلر اتخاذ قرار ایچون لاقل بش اعضانک  
وجودی شرطدر . تساوی آرا وقوعنده رئیسک التحاق ایتدیکی طرفک  
رأیی مرجحدر . اسباب مخالفتک مضبوطیه درجی مجبوریدر . انجمن مقرراتی عدلیہ  
ناظرینک رده صلاحیتی وارددر . بوتقدیرده انجمن بر دیکرینی انتخابه مجبور اولور  
بلا عذر انجمنه کلین اعضا اوچ کونلک معاشدن محروم اولور علی التوالی و بلا معذره  
انجمنک اوچ اجتماعنده حاضر بولنمیان اعضا مأموریت اصلیه سندن ده مستعفی عد  
اولنور .

ماده : ۲ ۲۲ جمادی الاخرہ ۳۰۵ تاریخلی حکام و مأمورین سائرہ عدلیہ نک  
اصول انتخاب و تعیینلرینه دایر اولان قانون ایله ۷ ربیع الاخر ۱۳۰۰ تاریخلی عدلیہ  
انتخاب انجمنی حقنده کی نظامنامه نک ماده سالفیه مخالف اولان احکامی مفسوخدر .

ماده : ۳ اشبو قانون تاریخ نشرندن اعتباراً مرعیدر .

ماده : ۴ اشبو قانونک اجراسنه عدلیہ ناظری مأمورددر .

مجلس عمومینک اجتماعده قانونیتی تکلیف اولغق اوزره اشبو لایحه قانونیه نک  
موقتاً مرعیتنی و قوانین دولته علاوه سنی اراده ایلدم

۱. محرم ۱۳۳۵ و ۲۶ تشرین اول ۱۳۳۲

محمد رشاد

صدر اعظم  
محمد سعید

عدلیه ناظر وکیل  
خلیل

★ ★

## ۹. نجی تأجیل دیون قانونی

[تقریم وقایع ایله نشری تاریخی : ۱۷ صفر ۱۳۳۴ و ۳۰ تشرین ثانی ۱۳۳۰ - نومبر ۱۳۳۱]

ماده : ۱. ۲۰ تموز ۱۳۳۰ تاریخدنبری نشر ایدیلن تأجیل دیون قانونلری موجبجه  
تأجیل ایدلمش اولان بالجله دیون و تعهدات تقدیه ایله بانکهلرده کی مودوعات ۳۰ تشرین  
ثانی ۱۳۳۳ تاریخته قدر تکرار تأجیل ایدلمشدر . مدیونلر تأجیل دیون قانونلری موجبجه  
شمدی به قدر تأدیه سنه مجبور اولدقلری مقدارلردن ماعدا علی الحساب صورتیه اصل  
دین اوزرندن ۱ کانون ثانی ۱۳۳۲ تاریخنده یوزده بش و آندن صکره هر اوج آی  
ابتداسنده کذلک یوزده بشر ده تأدیه سنه مجبوردرلر .

ماده : ۲. اشبو قانونک تاریخ مرعیتدن اعتباراً ۳ تشرین ثانی ۱۳۳۳ تاریخته قدر  
وعده لری حلول ایدمک اولان دیونک وعده سی حلولندن اعتباراً برنجی ماده ده  
تصریح ایدیلن مدتلردن هانکی سنه تصادف ایدرسه هربری ایچون یوزده بش واجب  
التأدیه اولوب دینک متباقیسی ۳۰ تشرین ثانی ۱۳۳۳ تاریخته قدر تأجیل اوله جقدر .

ماده : ۳. ۲۱ تموز ۱۳۳۰ تاریخندن اعتباراً تأجیل ایدلمش اولان دیونه قارش  
وقوع بولان تأدیات تأجیل دیون قانونلری موجبجه واجب التأدیه مقادیره محسوب  
اوله جقدر . شو قدرکه آنونیم شرکتی صورتنده متشکل بانکهلرده مطلوبی اولانلر اوله  
نه مقدار آلمش اولورلرسه اولسونلر، مطلوبلرینک یوزده بشی اون لیرادن قصان اوله  
دخی بانکهلر کندیلرینه ۱ کانون ثانی ۱۳۳۲ تاریخنده اون عثمانلی لیراسی و آندن صکره  
هر اوج آی ابتداسنده کذلک اونر عثمانلی لیراسی تأدیه ایتمه مجبوردرلر .